



# Bibele ya ka

ya ho Etsa le ho Ithuta

## Buka ya 2

Dipale tse neng di  
phetwa ke Jesu



## **Bibele ya ka ya ho Etsa le ho Ithuta Buka ya 2**

**My 2nd Bible Do and Learn Book** is the next level of our Bible-based literacy series. It is based on the Do and Learn method which actively involves learners with all their senses in the learning process. Teaching is made easy through the use of colourful illustrations, icons, **flashcards and activities such as reading, writing, numeracy, drawing and singing.**

Sesotho (SO) Literacy Project  
First digital edition 2016

© Bible Society of South Africa 2016

**Author:** NE Tsoeu

**Editor:** T Ntsielo

All rights reserved. No part of this book may, without prior written permission of the publisher, be reproduced or transmitted in any form or by any means, electronic, mechanical or otherwise, either through photocopying, writing, audio recording, or any other system for information storage and retrieval.



Published by the Bible Society of South Africa  
PO Box 5500, Tyger Valley 7536, Bellville  
[www.biblesociety.co.za](http://www.biblesociety.co.za)

ISBN 978-0-7982-1965-5

# Tataiso ya Titjhere










Bana ba ithuta ka lentswe leo ba phelang ho lona mme ba sebedisa dikutlo tsohle tseo ba nang le tsona. Dintho tse kang ho bona, ho sebedisa mantswe, ho sebedisa mahlo, ditsebe le tshisinyeho ya matsoho mmoho le disebediswa tse ba thusang hore ba mamela le dintho tse itseng, di ba thusa ho hopola dintho. Sena se kenyelletsa ho mamele dipale, ho pheta mantswe le ho a balla hodimo, ho bina, ho opa, ho bapala, ho tshwantshisa, le ditsela tse ding. Latela ditaello tsena hantle, haholo dithutong tsena tsa pele. Sebedisa difoleshekarete tse leqepheng la A3 ho aha dipolelo le tlotlontswe (sheba leqepheng le bohareng ba buka ena). Sebedisa dikgopolo tsa hao o sebedisa ntho eo o bonang hore e ka o sebeletsa, e tla thusa bana.

## Hopola hore bokgoni ba metheo ya ho bala le ho ngola ke ena:

1. Ho bala medumo (o sebedisa tshitsinyeho, ditshwantsho, matshwao, jwalojwalo).
2. Ho kgetha medumo mantsweng.
3. Ho kopanya medumo, ho bolelang ho kopanya medumo ho aha lentswe.
4. Ho ithuta dibopeho tsa medumo.
5. Ho ithuta ho ngola medumo le mantswe.

## Latela ditataiso!

Diaekhone tse ka tlase di thusa titjhere le baithuti ho latela ditaello tsa thuto.

 Titjhere /mothusi o a bala mme a hlalose.	 Sheba — baithuti ba kgetha, ba shebe mantswe.	 Pensele — baithuti ba a ngola.
 Bua — baithuti ba pheta mantswe kapa ba arabe dipotso.	 Batla o fumane — baithuti ba lokela ho fumana dintho kapa mantswe.	 Pensele ya mmala — baithuti ba a taka kapa ba kenye mmala.
 Ha re sebetse — e bontsha mosebetsi wa baithuti.	 Ho opa — baithuti ba a opa mme ba bale.	 Ho tshwaya — baithuti ba tshwaya karabo e nepahetseng.

## Ditataiso tse mmalwa:

### Thuto ya 1: Nku e lahlehileng

**Titjhere/Mothusi:** Supa setshwantsho sa nku hukung ya letsoho le letona mme o re: “Lentswe lena le bolela, nku”. Bitsang lentswe lena kamora ka, mme le hatelle modumong wa “nk” Ha re bueng kaofela re re nk nk nk. Mpontsheng hore nku e jwang. Bana ba etsisa motsamao wa nku le kamoo e llang kateng.” Supa lentswe le reng: “modisa” Modisa o etsang? (O disa/alosa dinku).

**Bontsha:** Kgetha modisa ya etellang dinku a di ise hukung. Ba hlalose tse ka “ho lahleha le ho fumanwa”. Buang ka diketsahalo tsa ho lahlehelwa ke eng kapa eng ya bohlokwa, e kang dieta kapa eng feela. Ha ba shebe hore lentswe le reng nku le hlaha hakae paleng.

**Puo:** Ba hlalose tse ka nako ya hona jwale le nako e fetileng. Arola tlelase e be dihlopha tse pedi, sehlopha sa hona jwale le sehlopha se fetileng. Ba balle dipolelo ebe ba di bala kamora hao.

**Nako ya Bible:** Ba balle pale kapa kgutsufatso ya pale. Hape ena ke nako ya thapelo.

**Ho bala le ho ngola:** Ha ba qetelle mantswe a ngotsweng ka matheba, Ha ba ngolle dibukeng tsa bona

ebang sebaka sa ho ngolla ha se a lekana. Ha ba qale ka ho ngola moyeng le ditiesekeng pele ba ngola dibukeng tsa bona. Ba ka ngolla le lehlatheng ha ba ithutela ka ntle.

*Mosebetsi:* Ba rute pina: “Baba black sheep.”

## Thuto ya 2: Drakema e lahlehileng

**Titjhere/Mothusi:** Supa lentswe le ka lebokosaneng, “drakema”. Bitsa lentswe, “drakema” bana ba le bitse kamora hao. Etsa jwalo le ka “lebone”.

Bala pale Kamorao ho moo ba bontshe mantse a ditshwantsho. Opa ho tloha ho 1 ho ya ho 10 ha o ntse o bitsa dinomoro. “Mosadi wa mofutsana o thabile”. O thabisitse ke eneg? Bontsha thabo. (Etsa sefahleho se thabileng le sefahleho se hlonameng).

*Puo:* Hatella hodima bonngwe le bongata, mohl. Drakema e lahlehileng – didrakema tse lahlehileng.

*Ho kenya mebala:* Ha ba kenye mebala dibopehong tse leqepheng.

*Ho bala:* Ha ba bale polelo e tlase leqepheng.

*Mongolo:* Ha ba qetelle mosebetsi o qetellong ya leqephe.

*Nako ya Bible:* Bala pale o rapele.

## Thuto ya 3: Modisa ya molemo

**Titjhere/Mothusi:** Supa setshwantsho sa phiri mme o botse hore ba bona eng. Lentswe lena le bolela “phiri”, le bitseng kamora ka. “phiri”, o le bitse o supa setshwantsho. Hape supa setshwantsho sa heke. Lentswe lena le re “heke”, le bitseng kamora ka. Ha ba buisane ka diheke tsa malapeng, sekolong le dibakeng tse ding tseo ba di etelang.

*Puo:* Buisanang ka nako ya hona jwale le nako e tlang le bontsha ka mehlala. Sehlopha se seng se fana ka polelo ya se etsahalang mme sehlopha se seng se arabele mabapi le ntho e tla etsahala. Mohl. Ke a ja hona jwale, hosane ke tla ja.

*Ho batla mantse:* Fumana mantse a feletseng keriting.

*Nako ya Bible:* Bala pale o rapele.

*Ho bala:* Balang, qetellang mantse a ngotsweng ka matheba.

*Papadi:* Ha ba etse papadi e mabapi le phiri.

## Thuto ya 4: Ngwana ya lehlaswa

**Titjhere/Mothusi:** Supa ntate setshwantshong ebe o bitsa “ntate” mme bana ba o sale morao. Hape bitsa lentswe abuti ebe ba le bitsa kamora hao. Ba hlalose ka modumo wa “nt”. Bala pale ebe bana ba tshwantshisa seo ba se utwileng paleng. Ba arolelane dihlopheng hore bohle ba fumane monyetla.

*Puo:* Kenya mantse a siilweng.

*Mosebetsi:* Ha ba latele ditaello.

*Hobala:* Ha ba bale polelo.

*Ho ngola:* Ha ba qetelle mantse a ngotsweng ka matheba.

## Thuto ya 5: Ke thuse mang?

**Titjhere/Mothusi:** Ba bontshe setshwantsho sa tonki, ba bitse lentswe “tonki” kamora hao. Hlalosa modumo wa “t”. Ha ba supe moruti setshwantshong, ba buisane ka mosebetsi wa moruti. Bala pale.

*Papadi:* Ba dumelle ba etse tshwantshiso ka pale. Ba hlalose ka moahisane ya molemo.

*Puo:* Ha ba kgethe mme ba tshwaye dikarabo tse nepahetseng. Ba arole ka dihlopha mme ba arabe dipotso, Etsa bonnete ba hore dihlopha kaofela di fumane mefuta yohle ya dipotso.

*Mosebetsi:* Ha ba qetelle ka ho kenya mantse a siilweng.

*Ho bala:* Ha ba bale polelo.

*Ho ngola:* Ha ba qetelle mantse a nang le matheba.

## Thuto ya 6: Etsa ketso e lokileng

**Titjhere/Mothusi:** Supa setshwantsho sa drakema, ha ba buisane ka setshwantsho seo mme o ba botse dipotso; Na le sa hopola lentse le reng “drakema” hore le bolelang? Ba bontshe hape setshwantsho sa basebetsi. Bitsa lentse “basebetsi” ba le bitse kamora hao. Ba hlalose hore drakema le basebetsi ke eng.

**Bala pale:** Bontsha setshwantsho ka seng. Putsa mosebetsi wa pele ka naledi sefubeng.

**Nako ya Bible:** Bala pale o rapele.

**Ho ngola:** Ha ba qetelle mantse a ngotsweng ka matheba.

**Puo:** Ha ba kenye mantse dibakeng tse siilweng. Ba nyalanye mantse le dinomoro.

Ditsela tse ding tsa ho ntshetsapele puo ya Sesotho.

- Ho ngola moyeng kapa lehlatheng ka menwana ya hao
- Ho ngola dipolelo ka tatellano
- Dipotso: Botsa dipotso tse kang Kae? Neng? Hobaneng? Jwang? Eng?
- Kamano: mohl. Sefapano sa X se sefubedu se bolela “tjhe”
- Tlotlontse e hlonngweng leboteng
- Ho opa le ho bala medumo
- Difoleshokarete
- Ho taka
- Dipalo: Ho bala mela ya pale. Botsa dipotso tse kang, “Modumo wa pele le wa ho qetela lentse le o le neilweng ke ofe?”
- Ho pheta hape pale eo ba e mametseng kapa ba e rutilweng
- Ho bala ka dihlopha kapa le titjhere
- Mantse a bitswang kgafetsa
- Ho sebedisana ka dihlopha

**Hlokomela:** O se ke wa tatela hore bana ba hao ba bale kapele. Nka nako ho sheba boemo ba ho bala boo ba leng ho bona. Ba dumelle ho nka nako ya bona. Tsitsisa kelello dinthong tseo ba tsebang ho di etsa hore ba ithute ka papadi le ka boiketlo.

## Thuto ya 7: Ho jala peo

**Titjhere/Mothusi:** Nako ya jwale le nako e fetileng. Ba kgothalletse ho aha dipolelo tse thutong mabapi le nako ya jwale le nako e fetileng.

Ha ba bue ka peo e neng e jalwe le moo e neng e wele teng:

- Tseleng
- Letlapeng
- Leholeng le meutlweng
- Mobung o motle

Ba hlalose mabapi le seo Jesu a buang ka sona.

Qala puisano ka ho jala

- Lerato
- Mosa
- Ho bua nnete

Leka ka matla hore ngwana ka mong a be le seabo puong ena. Ba kgotlalletse hore ba jale peo ya bona dikotikoting tsa yokate mme ba shebe kamoo di holang kateng.

## Thuto ya 8: Difate tse monate di beha ditholwana tse monate

**Titjhere/Mothusi:** Ha ba arabe dipotso tse ngotsweng bukeng, o ka ba botsa le dipotso tse ding tse siyo bukeng. Ha ba arabe dipotso ka Ee kapa Tjhe.

**Puisano:** ba bue ka sefate se neng se tla rengwa. Lebaka la hore se se ke sa rengwa ke lefe? Leka hore ngwana ka mong a be le seabo puong ena.

**Mosebetsi:** Ba kgothalletse ho taka sefate, ba kenye makala, mahlaku le ditholwana. Ba rorise ho seo ba se entseng.

**Ho ngola:** Ha ba ngole mantswe a ngotsweng ka matheba.

## Thuto ya 9: Haha ntlo ya hao hodima letlapa

**Titjhere/Mothusi:** Hona jwale / Nakong e fetileng

Ha ba etse mosebetsi o bukeng. Ba ahe le dipolelo tse ding tse siyo bukeng. Ba kgothalletse ho nahana ka dipolelo tsa bona. Ba hlalositse ka monna ya neng a hahe ntlo ya hae mobung o letlapeng.

**Ho bua:** Ha ba bue ka mefuta e fapaneng ya matlo le kamoo a tshireletsehileng kateng.

- Mehlongwafatshe
- Ditente
- Mekhukhu
- Matlo a ditene
- Matlo a mapolanka
- Ntlo ya jwang

**Mosebetsi:** Ha ba hahe matlo ka mabokose a dieta ba sebedisa sekgomaretsi, dikere le dintho tse ding tsa ho kgabisa.

Ha ba bine pina e buang ka “monna ya bohlale” o sebedisa pina ya boiqapelo.

**Ho ngola:** Ha ba qetelle mantswe a ngotsweng ka matheba.

## Thuto ya 10: Barwetsana ba leshome

**Titjhere/Mothusi:** Kamora ho ba balla pale, ba hlalositse ka seo e se bolelang. O ka kgetha baithuti ba leshome, ba leka ho tshwantshisa pale. Ha ba etse dilampi ka dipampiri.

Ba hlalositse mantswe a kang ana a latelang:

- Bahlalefi
- Mawatla
- Kgitla
- Monyadi
- Lenyalo

**Mosebetsi:** Ba kgothalletse ho etsa diwatjhe ba sebedisa dipampiri le masiba.


**Puo:** Ha ba bue ka malatodi, o ba bitsetse le mantswe a mang a siyo thutong. Ba kgothalletse ho tla le mantswe ao e leng a bona, mme ba thuse le ba bang ka tlelaseng.

**Ho bala:** Ha ba etse mosebetsi wa dipalo o bukeng ya bona hore ba tsebe dipalo.



Thusa o sebedise buka ena butle. Haeba ho teng se bonahalang e ka se boemong bo imelang bana ba tlelase ya hao, o se ke wa hatella dintho. Dumella baithuti ba hao ba etse seo ba ka kgonang ho se etsa. Mamella dinthong tseo ba tsebang ho di etsa. Ho bohlokwa hore o se ke wa ba nyahamisa ho baleng!

# 1. Nku e lahlehileng



dinku



badisana

Sheba Bontsha Bolela : ya lahleha / ya fumanwa



Nako ya jwale le nako e fetileng

Nako ya jwale	Nako e fetileng
O a lahlehelwa.	A lahlehelwa.
O a sheba.	A sheba.
O a batla.	A batla.
O a siya.	A siya.



Jesu a re: Modisa o ne a na le dinku tse lekgolo mme ha lahleha e nngwe ya tsona.



10 20 30 40 50 60 70 80 90 100




O etsang? O siya dinku tse mashome a robong a metso e robong naheng mme o ilo batla nku e lahlehileng.

A bitsa metswalle ya hae kaofela a re:

Ke thabile! Ke fumane nku ya ka e neng e lahlehile. Thabang le nna.



Thusa modisa ho fumana nku ya hae:



Luka 15:4-7

Lehodimong ho jwalo. E ba thabo e kgolo ha ho fumanwe moetsadibe a le mong, ho na le ba mashome a robong a metso e robong ba sa lahlehang.



Ngola hodima matheba:


Modisa o fumana nku.



## 2. Drakema e lahlehileng




tjhelete




lebone

Sheba  Bontsha  Bolela  : sheba / bitsa / fumana

 Mosadi e mong wa mofutsana o na le didrakema tse leshome mme o lahlehelwa ke e nngwe ya tsona.

O kgantsha  lebone hore a fiele ntlo ya hae. 



O sheba hohle ho fihlela a e fumana.

Mme o bitsa  metswalle ya hae a re:




Ke thabile.  
Ke fumane drakema ya ka.  
Thabang le nna.

 "a" o kenngwa hokae?

Motho a le mong 	Batho ba bangata 
Mosadi o – lahlehelwa.	Metswalle ya hae e – lahlehelwa.
O – fiela.	Baahisane ba – fiela.
O – sheba.	Metswalle ya hae e – sheba.
O – batla.	Metswalle ya hae e – fumana.



Kenya mmala ho fumana drakema e lahlehileng:



Drakema e hokae?



Na ebe drakema e ka khabotong?



.....



Na ebe drakema e lahlehileng e hodima khaboto?



Ee, drakema e lahlehileng e..... khaboto.



Ngola hodima matheba:


Batla drakema e

lahlehileng.

# 3. Modisa ya molemo



phiri







heke

Sheba  Bontsha  Bolela  : e lokile / ha e a loka



Kajeno le hosane

 Hona jwale! 	 Hosane! 
Kajeno dinku di a tsamaya.	Hosane dinku di tla tsamaya.
Hona jwale dinku di a baleha.	Hosane dinku di tla baleha.
Hona jwale phiri e a di tshwara.	Hosane phiri e tla di tshwara.

Jesu a re:

Monna ya sa keneng ka heke ya lesaka la dinku ke leshodu le senokwane.

Monna ya kenang ka heke ke modisa.

Dinku di tseba lentšwe la hae. Di tla mo latela.

Ha di na ho latela motho e mong. Di tla baleha.

Modisa ya sa lokang ha a kgathalle dinku tsa hae.



O tla baleha ha phiri e tla. Phiri e di fumane.  
 Jesu a boela a re:



Ke modisa ya molemo.  
 Ke tseba dinku tsa  
 ka mme le tsona di a  
 ntseba. Ke ikemiseditse  
 ho shwela dinku tsa ka.



Johanne 10:1-16



Fumana matswe ana. Etsa sedikadikwe ho ona:

p	h	i	r	i	b	t	l	d	l
w	f	u	m	a	n	a	a	s	o
e	f	h	d	g	k	r	t	a	k
r	a	t	a	n	g	r	e	q	i
j	n	l	o	i	e	u	l	f	l
d	i	n	k	u	t	m	a	t	e
h	l	e	r	a	t	o	w	s	n
e	k	a	h	o	s	d	q	e	g
k	l	k	g	t	d	e	r	b	a
e	s	d	y	u	g	f	l	a	o

phiri  
 lerato  
 fumana  
 ratang  
 lokileng  
 tseba  
 heke  
 dinku  
 latela



Ngola mantswe a nang le matheba:

Ke tseba dinku tsa ka.

# 4. Ngwana ya lehlaswa!



ntate



baholwane

Sheba Bontsha Bolela : lapile / halefile



Nako ya hona jwale le nako e fetileng

Hona jwale: kajeno	Nakong eo: maobane
Mora o e batla hona jwale.	Mora o e batlile.
Mora o tsamaya hona jwale.	Mora o tsamaile.
Ntatae o mo neha kajeno.	Ntate o mo neile Maobane.
Hona jwale o senya tjhelete ya hae.	O sentse tjhelete ya hae.
Kajeno o lapile.	O ne a lapile.

Monna wa morui o ne a na le bara ba babedi.

E mong a re ho ntatae:

Mphe tjhelete ya ka kaofela.

Ke batla ho tsamaya.

Yaba ntatae o mo nea tjhelete ya hae kaofela, mme a ya naheng e hole. A fihla moo mme a senya tjhelete ya hae a phela bophelo bo

bobe. Kamorao ho moo, a hloka dijo. A lapa  
haholo hoo a ileng a batla ho ja le difariki.



Ke lapile.  
Ke kopa o  
mphe dijo tsa  
difariki.

Tjhe, dijo tseo ke tsa  
difariki ha se tsa  
batho.



A lla a re:



Bahiruwa ba ntate ba na le dijo tse  
ngata, nna ke a lapa mona. Ke fositse.  
Ntshwarele, ntate. Ha ke a tshwanela ho  
bitswa mora wa hao. Nkuke ke be e mong  
wa bahiruwa ba hao.

Yaba o kgutlela ho ntatae. Ntatae a  
mmona a sa tla le hole. A mathela ho yena  
a fihla a mo aka.

Ntshwarele ntate ke  
fositse.  
Ke tla sebetsa jwaloka ka e  
mong wa bahiruwa ba hao.



Ntatae a mo nea  diaparo tse ntjha, lesale  
la monwana le dijo tse lokileng haholo.

Ngwanabo a ba le  mosito haholo ha a bona  
ketso eo:



Ke sebetsa ka thata empa ke fumana eng?  
Ha ke fumane letho hohang! Ngwaneso o  
sentse tjhelete ya hae kaofela dinthong  
tse mpe. O fumana eng? Lesale la  
monwana, diaparo tse ntjha le dijo!

Ntatae a re:

Hobaneng o na le mosito hakaale?  
Kamehla o dula le nna. Empa  
ngwaneno o ne a lahlehile, jwale o  
fumanwe. Ha re thabeng mmoho!



Luka 15:11-32

Ho jwalo ho Modimo. O thabela ha re fumana tsela  
ya ho boela ho yena.



Fetolela mantswe a ka masakaneng ho bontsha hore  
ntho e se e etsahetse:

A mo (nea) tjhelete. Maobane ..... tjhelete.

Ke (lapile). Maobane .....

Ke (ya) ho ntate. Maobane ..... ho ntate.



## Mesebetsi: Lelapa la ka

- Taka setshwantsho sa lelapa la hao kapa leo o le ratang.
- Etsa lelapa la diphaphethe. Ho batleha dirolo tsa dipampiri tsa ntlwaneng tse se nang letho, sekgomaretsi, kerayone, ulu, metjeketlana ya dipampiri tse mebalabala, dimakasine kapa dikoranta tse sehilweng, moo o tla seha difahleho tsa ba lelapa. Sebedisa ulu kapa metjeketlana ya dipampiri ho etsa moriri. Batho ba bang ba lapeng ba ka ba balelele. Ba rehe mabitso.



Ngola mantswe a nang le matheba:


O ne a **l**a**p**i**l**e.

Ngwanabo o ne a na le **m**o**s**i**t**o.

Ntatae a **t**h**a**b**a**.



# 5. Ke thuse mang?



tonki /  
esele



moruti

Sheba Bontsha Bolela : a tsamaya/a bona/a tloha kae



## Nako ya jwale le nako e fetileng

Hona jwale!	Nako e fetileng.
Ke thusa hona jwale.	Ke thusitse.
O tsamaya kajeno.	O tsamaile kgale.
Ba itlhatswa kamehla.	Ba itlhatswitse.
Mashodu a futuha kajeno.	A futuhile bekeng e fetileng.

Monna ya itseng o ne a tsamaya a tloha toropong e nngwe a ya ho e nngwe.

Ha a le tseleng a futuhelwa ke dinokwane.

Tsa mo shapa tsa mo siya moo tseleng.

Ha feta moruti tseleng eo.

A bona monna eo empa a se ke a mo thusa.

Ha boela ha feta monna ya sebetsang tempeleng.

A bona monna eo. Le yena a se ke a mo thusa.



Ha se mosebetsi wa ka ho mo thusa.

Ha boela ha feta moeti ya neng a hlaha naheng e nngwe. A bona monna eo mme a mo hauhela.

Ao! Monna wa batho!  
E re ke mo thuse!



A hlatswa maqeba a monna eo mme a palamisa monna eo eseleng ya hae.

A mo isa phaposeng ya baeti. Moeti a ba le mosa haholo. A lefa monnga phaposi hore a mo oke.

Jesu a botsa:

Eo e leng moahisane wa monna enwa ke nang?

Batho ba re:

Ke moeti ya mo thusitseng.

Jesu a re: Tsamayang mme le etse jwalo ho ba bang.



Luka 10:30-37



## Kgetha karabo e nepahetseng:

Ke mang ya neng a futuhelwe ke dinokwane?

ke moruti

ke monna

ke moeti

Di ne di mo siye hokae?

ka tlung

tseleng



Ke mang ya neng a fete pela hae?

ke moeti

ke monna ya sebetsang tempeleng

O ne a thuswe ke mang?

ke moruti


ke moeti



A mo isa hokae?

tempeleng

phaposing ya baeti




## Dipotso: mang, eng, kae

Monna o ne a ya toropong.	Ke mang ya neng a ya toropong?
Dinokwane tsa mo otl.	Dinokwane di ne di etse.....?
Moeti a mo thusa.	Ke ..... ya neng a mo thuse?
A mo isa phaposing ya baeti.	A mo isa .....?
Ya e ba moahisane ya lokileng.	Ke ..... moahisane ya lokileng?



Thusa moeti a fumane monna ya tswileng kotsi mme a mo ise phaposing ya baeti:



Qetella mantswe a nang le matheba:

E ba m o s a ho ba b a n g .

# 6. Etsa ketso e lokileng



tjhelete



basebetsi

Sheba 🙄 Bontsha 🙌 Bolela 🗨️:  
ya pele / ya bobedi / ya boraro



Nako ya hona jwale le nako e tlang

↓ Hona jwale! 🗨️	↪ Ke hona e tla etsahala! 🗨️
Ke nka hona jwale.	Bekeng e tlang ke tla nka.
Kajeno mohiri o a fana.	Hosane mohiri o tla fana.
Ke kgutla kgafetsa.	Ke tla kgutla kgafetsa.
Kajeno ba etsa hantle.	Hosane ba tla etsa hantle.

Ho na le monna wa morui ya ileng a nka leeto. A bitsa basebetsi mme a ba nea maqhetswana a gauta.

A nea mosebetsi wa pele maqhetswana a mahlano a gauta.

A nea mosebetsi wa bobedi maqhetswana a mabedi a gauta.

A nea mosebetsi wa boraro leqhetswana le

le leng la gauta. 

Mosebetsi ya neng a na le maqhetswana a mahlano a gauta a sebeta ka matla.

A etsa maqhetswana a mang a 5 kahodimo.

$$5 + 5 = \square$$

Mosebetsi ya neng a na le maqhetswana a 2 a etsa a mabedi kahodimo.

$$2 + 2 = \square$$

Mosebetsi ya neng a na le leqhetswana le 1 a le tsetela mobung.

$$1 + 0 = \square$$

Mohiri a kgutla a ba botsa:

“Le entse eng ka gauta eo ke le neileng yona?”

Wa pele a re: “Monghadi, o nneile maqhetswana a 5 a gauta,  jwale nna ke entse maqhetswana a 5 kahodimo.”


“O entse hantle! Ke tla o putsa.”

Wa bobedi a re: “Monghadi, o nneile

maqhetswana a 2 mme ka etsa a 2  
kahodimo.”

“O entse hantle. Ke tla o putsa.”

Wa boraro ya neng a neilwe leqhetswana  
le 1, “wena o entseng ka leqhetswana le le  
leng leo ke neng ke o neile lona?”

A araba a re: “O monna ya timanang. Ke  
tshabile mme ka pata leqhetswana la ka la  
 gauta.”

“Mohlanka ya botswa! Ke tla nka leqhetswana  
leo ke le nehe ya neng a na le a 5.”

Batho bohle ba lekanang ka matla, o tla ba  
 putsa ho feta. Ba botswa ba tla lahlehelwa  
ke bonyane boo ba nang le bona.

 Qetella:



Sebetsa ..... tlohela botswa.



Sebedisa mantswe a ka tlase ho qetella dipotso:

tla	putsa	putswa	amoha
-----	-------	--------	-------

Moghadi o tla etsang ho mohiruwa ya neng a na le maqhetswana a mabedi?

Monghadi o..... mo..... .

Moghadi o tla etsang mohiruwa ya neng a na le leqhetswana le 1?

Monghadi o tla mo .....

Moghadi o tla etsang mothong ya sebeditseng haholo?

O..... ho feta.



Nyalanya dinomoro le mantswe:

•	1	nngwe	nne
••	2	pedi	hlano
•••	3	tharo	robong
••••	4	nne	tshelela
•••••	5	hlano	leshome
••••••	6	tshelela	tharo
•••••••	7	supa	robedi
••••••••	8	robedi	nngwe
•••••••••	9	robong	supa
••••••••••	10	leshome	pedi



# 7. Ho jala peo



leholeng







peo

Sheba  Bontsha  Bolela  : jala / fumana



Nakong ya jwale le nakong ya ho feta

 Hona jwale 	 Nakong ya ho feta: Kgale 
Kajeno mojadi o a jala.	Maobane mojadi o jetse.
Hona jwale peo e a wa.	Maobane peo e wele.
Hona jwale dinonyana di ja peo.	Maobane dinonyana di jele peo.
Selemo se seng le se seng peo e a hola.	Selemong se fetileng peo e hotse.



Mojadi a tswa a ilo jala peo. Peo e nngwe ya wela tseleng.

Dinonyana tsa fihla tsa ja peo.

Peo e nngwe ya wela letlapeng. Peo e nngwe ya qala ho hola.

Empa ha e ka ya fumana metsi mme ya phakisa ho omella.



Peo e nngwe ya wela hara lehola le meutlwa.




Ho ne ho se sebaka sa hore dijalo di hole.

Peo e setseng ya wela mobung o motle.

 Dijalo tsa hola, tsa bonahala.

Tsa ata ha 100 kahodimo ho tseo mojadi a di  
jadileng.





Yaba Jesu o re: peo ke taelo ya  Modimo. Peo e  
wetseng tseleng ke batho ba utlwang lentswe  
la  Modimo empa ba phakise ho le lebala. Peo  
e wetseng  letlapeng ke batho ba amohelang  
taelo ya Modimo empa ba hlolehe ha dintso di  
sa ba tsamaele hantle.



Peo e wetseng hara lehola le difatjaneng tse




nang le meutlwa ke batho ba fumanang taelo ya Modimo, empa ba qakehe haholo ke dintso tsa bona. Taelo ha e hole dipelong tsa bona. Peo e wetseng mobung o motle ke batho ba mamelang taelo mme ba dumele hore e hole dipelong tsa bona, mme e fane ka  peo e ngata le ho feta.




Ho ne ho etsahaleng pele?


Beha peo ka ho latelana ho tloha ho 1 – 4:



Peo e nngwe ya wela hara leholo le meutlwa.



Peo e nngwe ya wela mobung o motle.



Peo e nngwe ya wela letlapeng.



Peo e nngwe ya wela tseleng.



Puisano: Ho jala dijareteng tsa rona.

Re jala peo efe?




Taka setshwantsho ka mmala:



Mosebetsi: Jala peo dikotikoting kapa dikoping, Mosebetsi ona ke wa nako e telele. Ngola mantswe: “Lerato”, “Ho tshwarela”. “Mosa”.

# 8. Difate tse monate di beha ditholwana tse monate



Sheba Bontsha Bolela : difeiye / morara



Etsa + se etse; E a etsa + ha e etse

Dipotso	Dikarabo
Na difeiye di a hola difateng tse nang le meutlwa?	Tjhe, ha di hole.
Na sefate se seng monate se beha ditholwana tse monate?	Tjhe, ha se di behe.
Na difate tse monate di beha ditholwana tse monate?	Ee, di a di beha.
Na monna ya molemo o ntsha ditaba tse mpe?	Tjhe, ha a di ntshe.

Ka tsatsi le leng Jesu a re: Sefate se monate ha se behe ditholwana tse mpe.

Mme le sefate se sebe ha se behe ditholwana tse monate. Sefate ka seng se na le ditholwana tsa sona.

Difeiye ha di hole dihlahleng mme morara ha o

hole difateng tse nang le meutlwa.

Motho ya lokileng o tliša toka pelong ya hae.

Motho ya sa lokang o tliša bobbe pelong ya hae.

Molomo o bua ntho e ka pelong.



Luka 6:43-45



Araba dipotso: Ee kapa Tjhe

Na sefate se monate se beha ditholwana tse monate?

Ee sefate se monate ..... ditholwana tse monate.

Na sefate se nang le meutlwa se beha dipere?

..... sefate se nang le meutlwa ..... dipere.

Na difeiye di hola difateng tsa difeiye?

Ee, difeiye ..... difateng tsa difeiye.

Na morara o hola difateng tsa diapole?

Tjhe, ..... ha o ..... difateng tsa diapole.



Jesu a boela a re:

Ho ne ho na le monna ya neng a na le

sefate sa difeiye jareteng ya hae. Ka tsatsi

le leng a sheba difeiye sefateng seo.



Ho ne ho se difeiye. A re ho molemi wa sona: “Ha ke eso fumane difeiye sefateng sena. Se rathe!”

Empa molemi a re: “Se nee selemo se le seng feela! Ebang se sa beha hantle selemong se tlang re tla se ratha.”



Luka 13:6-9



Bua:

1. Ke hobaneng ha monna a ne a batla ho ratha sefate?
2. Na o nahana hore sefate se ne se tshwanetse ho newa selemo se seng?
3. Wena o nahana hore o jere ditholwana dife?



Taka ditholwana o di kenye mebala:

apole: .....

morara: .....




Fumana difeiye: Difeiye tse teng dikae?



Qetella sefate ka ho kopanya dinomoro.



Kenya mmala sefateng.




Qetella mantswe a nang le matheba:

Modimo o dula a re fa

monyetla wa ho fetoha.



# 9. Haha ntlo ya hao hodima letlapa



Sheba Bontsha Bolela : e tebile / e matla



Ithute tsena:

↓ Hona jwale	↪ Nakong e fetileng	↓ Hona jwale	Nakong e fetileng ↪
aha	ahile	beha	behile
butswela	butswetse	tloho	tlile

Mmuso wa Modimo o tshwana le monna ya bohlale ya neng a hahile ntlo ya hae hodima letlapa.

A tjheka ka ho teba mme a etsa motheo o tiileng. E itse ha pula e fihla ka moya o matla, ntlo ya hae ya se ke ya wa.

Empa ha motho a utlwa mantswe a ka empa a sa phethe taelo ya ka, o tshwana le motho ya hahileng ntlo ya hae hodima lehlabathe. E tla re ha pula e na ntlo eo e helehe.



Mesebetsi eo o ka kgethang ho yona:

1. Bua ka mefuta ya matlo, mohl, matlo a ditente, dirontabole, mekhukhu kapa matlo a ditene. Ke eng se etsang hore ntlo e tshireletsehe?
2. Haha ntlo o sebedisa dinto tse tshwanang le mabokose. Mabokose a mahe kapa a dieta. O tla hloka sekgomaretsi, sekere le dikerayone.



Bina o sehe pina ena:



Mattheu 7:24-27

Monna ya bohlae a haha ntlo ya hae

Monna ya bohlale a haha ntlo ya hae letlapeng (3x)

Pula ya na

Pula ya na dikgohola tsa phahama (3x)

Empa ntlo ya monna ya bohlale ya ema ntsi

Monna ya lewatla a haha ntlo ya hae lehlabatheng (3x)

Pula ya na.

Pula ya na dikgohola tsa phahama (3x)


Ntlo ya monna ya lewatla ya heleha (1x)

Ka hoo, haha ntlo ya hao hodima Morena Jesu Krete (3x)


Mahlohonolo a tla kgaphatseha.

Copyright: ha e tsejwe

# 10. Barwetsana ba leshome



dilampi




lemati

Sheba  Bontsha  Bolela  : ba bohlale / mawatla

Barwetsana ba leshome ba ne ba emetse  
monyadi. 

Ba nka dilampi tsa bona mme ba lebella.

Barwetsana ba bahlano ha ba ka ba tla le   
e lekaneng ka dilamping tsa bona. Ba ne ba  
se na kelello e lekaneng.

Ba bahlano ba tla le   
oli e ngata ka dilamping  
tsa bona, ba ne ba na le oli e lekaneng.

Ka phirimana  barwetsana ba otsela mme ba  
robala. 

Bosiu bo boholo ba utlwa ho thwe: “Monyadi  
ke eo o a tla! Tswang le mo kgahlanyetse!”

Barwetsana ba bahlano ba kgantsha dilampi  
tsa bona.



Barwetsana ba bahlano ba mawatla ba re:

“Jo dilampi di ya tima. Re feng oli ho ya lona.”



Tjhe, e keke ya lekana rona le lona. Eyang ho barekisi le ithekele ya lona!

Yaba barwetsana ba mawatla ba ilo ithekela oli.

Monyadi a fihla. Barwetsana ba bahlano ba bohlale ba ya lenyalong mme mamati a kwalwa.



Barwetsana ba bahlano ba mawatla ba fihla lemati le se le kwetswe, ba kokota ba re!

“Morena, Morena re bulele!”

“Kannete ke re ho lona: ha ke le tsebe!” ho realo monyadi.



Mattheu 25:1-13

“Lebelang ke hona: kahobane le sa tsebe letsatsi le hora.”



## Nako ke mang?



Nako ke mang?

Nako ke hora ya .....



Barwetsana ba leshome ba emetse monyadi. Nako ke mang?

Nako ke metsotso e ..... kamora hora ya .....

Na monyadi o fihlile?

Tjhe, ha a ..... fihla.



Barwetsana ba kgathala ba robala.

Nako ke mang?

Nako ke hora ya .....



Monyadi o fihlile ka nako mang?

O fihlile ka hora ya .....

Na barwetsana ba mawatla ba fihlile ka nako lenyalong?

Tjhe, ha ..... ba afihla ka .....



## Mosebetsi:

Etsa sefahleho sa watjhe, le manaka ao o tla a tsamaisa ho etsa masiba a watjhe. Masiba ana ke oona a tla o bontsha nako.



Ithute ho bala dinomoro

Nngwe pedi

Opa diatla

Tharo nne

Ke rata dipalo

Hlano tshelela

Dilampi tse hlano

Supa robedi

Hora ya bosupa

Robong leshome

Monyadi o fihlile!



Ngola mantswe a nang le matheba:

Lebelang ka dinako tsohle.



Mantswe a sebedisang dipounama, leleme le meno:

sh	ts	mp
leshome	tsamaya	mpona
sheba	letsatsi	mpatla
shwalane	barwetsana	mphe



## Malatodi

Baithuti ha ba o latele ba bitse malatodi a latelang:

Bohloko	>	Monate
E lahlehile	>	E fumanwe
E lokile	>	Ha e a loka
Bohlale	>	Bowatla



## Mesebetsi ya dipalo

Ke nomoro efe e siyo?

1 2 3 4 5 6 7 8 9 10 11 12 13 14 15 16 17 18 19 20 21 22 23 24 25

1 3 5        19

Mona dinomoro di siyana ka tse pedi ho tloha ho e nngwe ho ya ho e nngwe.

2 4 6       20

Mona dinomoro di na le phapang ya dinomoro tse --- pakeng tsa nomoro ka nngwe.

2 5 8   14

Mona ho na le phapang ya dinomoro tse --- pakeng tsa nomoro e nngwe le e nngwe.



Buka ena e mokgahlelong o latelang wa lenaneo la dibuka tsa ho ithuta. E ruta bokgoni ba ho ithuta ka dipale tse neng di phetwa ke Jesu mabapi le mmuso wa Modimo. E theilwe hodima tshebetso ya ho ithuta le ho Etsa e kenyelletsang bohlae bohle ba baithuti ho ithuteng. Ho ruta ho entswe hore ho be bobebe ka tshebediso ya ditshwantsho tse kgahlehang, difoleshekarete le mesebetsi e tshwanang le ho bala, dipalo, ho taka le dithothokiso. Buka ena e kenyelletsa tataiso ya titjhere, dikeletso tsa ho ruta le difoleshekarete.



# TEACH THE A B C OF THE BIBLE




My first Read and Learn Bible (ages 2-6)

Read and Learn Bible (ages 7-12)



Children's Bibles for every age group and in various languages.



Sesotho, isiXhosa and isiZulu (ages 9-12)



Distributed by the Bible Society of South Africa  
[www.biblesociety.co.za](http://www.biblesociety.co.za)

United Bible Societies is an NGO partner with UNESCO.